

欽定科場條例

墨卷俱未填寫名次。經覆勘大臣勘得應填名次之處。填寫紅號。雖無關弊竇。究屬舛錯。應議考官查墨卷誤填紅號。應議之處。例無正條。應比照主考官遺批取中字例議處。

又題准。江西湖北二省硃卷。房官均未將批語實書卷面。僅粘浮簽。應比照房官遺批薦字例議處。

嘉慶六年奏准。查科場磨勘則例。向由臣部刊刻頒發。歷科遵行。而每次覆勘大臣亦往往有

隨事制宜。通融辦理之事。遂不免例案兩歧。互相矛盾。實恐將來有各執一說。致上下其手之弊。擬將異同之處。改正四條。以歸畫一。而昭平允。謹逐條聲敘。伏候

聖裁。

一乾隆二十五年。山東鄉試第二十七名齊繼呂。墨卷空白十二字。罰停會試三科。又乾隆四十四年。貴州鄉試第三十名石象華。詩內空白一行。巡撫覆勘大臣奏准。以無關弊竇。免

議查空白原係犯規。但一則以空白十二字。罰停三科。一則空白至於一行。反得免議。不但同罪異罰。且輕重倒置。殊不足服士子之心。擬請嗣後墨卷中有空白者。均定爲罰停一科。

一乾隆五十七年。順天鄉試。第二百八名王錫田。墨卷草稿內。第二題未寫全題。經覆勘大臣。勘得草稿無關獎賞。免議。又乾隆五十八年會試。第三十七名李麟徵。墨卷草稿內。脫

寫題字。經覆勘大臣奏准。罰停

殿試一科。查草稿未寫全題。與草稿脫寫題字。事  
同一律。乃一則免議。一則停科。辦理殊爲互  
異。擬請嗣後草稿題目。如係脫寫一二字。及  
筆誤一二字。均免議。如係脫寫全題。雖非槩  
實。究屬違式。應定爲罰停一科。

一乾隆五十七年。廣東鄉試第六十二名梁伯  
昌。添註塗改字數。夾行旁註。經覆勘大臣議  
准。罰停會試兩科。又乾隆五十九年。浙江鄉

試第十七名陳家驥三場通共添註塗改字數用雙行寫。經覆勘大臣奏明免議。查添註塗改字數必令詳列卷內。所以防謄錄對讀之私改。但字數不差。卽爲無弊。或寫單行。或用夾註。或行款高低均無關於弊竇。亦無礙於文理。似應以免議爲是。罰停兩科者未免太苛。擬請嗣後此等俱免貼出。並免磨勘。惟添註塗改字之數。原以防弊。若并字數添改。則跡涉可疑。仍應貼出。經磨勘官指出。仍罰

停兩科。

一乾隆六十年會試第九十一名董彩鳳三場

墨卷策內擡頭塗抹罰停

殿試一科又江南鄉試第八十九名查醴三場墨

卷第五問前塗去七字罰停會試兩科臣等

查策前塗去七字較擡頭塗抹過失似平稍

輕未便反行加重擬請嗣後有擡頭塗抹者

改爲罰停兩科正文之外無故塗字者以空

白論改爲罰停一科。

嘉慶七年春

上諭據磨勘大臣將本年會試中式貢勘應議試管

簽進呈內二百二十四名龔正訓一卷簽出文義謬  
謬詩句粗鄙數處且字畫訛誤甚多首篇半係釋讀  
其素不能文已屬顯然前此鄉試取中亦必有謬言  
等弊特事隔多年姑免深究此等行險僥倖之徒豈  
可令其濫廁科目該大臣等僅請將該貢士先行扣  
除停其殿試仍由禮部照例覈辦具題聲敘殊未明  
晰龔正訓不但應革去進士伊係由附貢生中式舉



人並捐納員外郎俱著全行斥革。永不准再行應試。其字句應議之處。考試官未能看出者。該部照例議處。餘依議。摺單併發。欽此。

嘉慶九年題准。甲子科鄉試。山東第八名祝以孝。詩內結句輕佻。押韻不穩。應比照字句疵謬例。將該舉人罰停會試一科。主考官官均未抹出。應各照例議處。山西第十名高瞻。第一場第二藝內語句有疵。亦應一併罰停會試一科。該舉人

及罰停會試一科。主考官官均未抹出。應各照例議處。抹出應

議至原勘官簽寫錯誤。亦屬粗疎。應行議處之處。應聽吏部辦理。

嘉慶十年題准。乙丑科會試中式舉人內。第一百五十九名蘇文彥。三場策題第五問。訛寫第五論。罰停。

殿試一科。受卷官罰俸一年。其覆勘大臣另加增易。原勘官已經簽出之處。應照例毋庸議處。

嘉慶十二年奏准。磨勘各員到班。翰林院侍講李殿圖。於領卷後。被風將廣西第三十一名農

家豐第三場墨卷。吹失一本。行文查覓無踪。相應請

旨將該侍講交部察議。

又題准。丁卯科順天鄉試。第一百五十一名徐學時。二場試卷。因彌封未經詳查。人名籍貫。誤將徐學詩試卷。彌封送謄。以致二場硃墨卷外。錯業經中式。應請將彌封官。照例罰俸三個月。又徐學時二場卷內。彌封錯誤。未經查對頭場起講。應請將主考官。卽照疎忽例。罰俸三個月。

其本生業經覆勘大臣聲明免議。應毋庸議。

又奏准。雲南第五十名王寶。第二場硃卷內。墨筆多未點到。第三場硃卷內。墨筆全行漏點。又第二場硃卷內。藍筆違例密點。應將主考官照例議處。同考官照例察議。廣西第四十一名雷之電。第一場硃墨卷。詩內平仄不調。應將本生照例罰停一科。主考同考官均未抹出。應照例議處。貴州第八名黃梓春。第二十三名顧維亮。第二十四名夏國培。第三十六名張永清。二三

金人考卷例  
場墨卷未拆彌封。應比照彌封錯編字號例。由該巡撫查取該管官職名。送部照例議處。主考同考官俱未看出。亦應照疎忽例議處。又黃梓春第一場硃卷內。首題思字。誤謄師字。謄錄對讀官。均未查出改正。應照例議處。主考同考官均未抹出。亦應照例議處。謄錄責革。對讀生發學戒飭。又第二十四名夏國培。第一場墨卷三名次誤填第二十五名。應將貴州正考官。此照

禮部會典例

嘉慶十三年題准戊辰

恩科順天鄉試第三十八名許助第三場硃卷內第五  
問後頁誤低三格謄錄官對讀官未經看出應  
照謄錄作字草率對讀未經改正例各罰俸三  
個月對讀生發學戒飭謄錄責革第二百十一  
名羅顯圻第三場墨卷第一問內林之二字係  
楚字訛寫二格硃卷同該生草稿內係寫楚字  
謄真書寫訛錯非尋常筆誤可比本生應照字  
句疵謬例罰停會試一科第四十名陳灃墨卷

內三藝草稿僅止四行。草稿詩題下未註得水字五言入韻。本生應照墨卷空白及草稿未寫全題例。罰停會試一科。受卷官失察應貼不貼應照例罰俸一年。

又奏准湖南第七名邱永錫詩內雜湊不成句。福建第五十四名張士鳳詩內一聯不對且費解。應將各本生罰停會試一科。主考同考官俱未抹出。應各照例議處。江南第六十七名孫春洋。墨卷易經題內納約自牖終无咎句无誤作

無係題目。非尋常筆誤可比。應將本生罰停會試一科。其硃卷主考同考官俱未抹出。應各照例議處。浙江第七十八名陳粲。頭場硃卷內。無藍筆批語。同考官應照例議處。江南第二十九名裴鑑。硃卷。易經題內。納約自牖。終无咎句。誤寫納自約。並落牖字。七十五名魏毓駿。硃卷。詩題雲。水光中洗眼來。脫中字。八十七名鄒元基。硃卷。禮記題內。右佩玦。捍管帶。大觴木燧句。落佩字。浙江第九名俞陸式。硃卷。四書首藝題內。



使民如承大祭句。祭字誤寫然字。五十四名張  
棻硃卷。春秋題下脫旁註昭公二年。福建第十  
四名祝樵芳硃卷。詩經題梧桐生矣。脫矣字。十  
五名連登硃卷。四書三題內。匹婦蠶之句。脫之  
字。十六名楊兆璜硃卷。四書首藝文內。提封字  
字提誤持。謄錄對讀官。應各照例議處。浙江第  
四十九名吳應起三場硃卷。俱無黃筆點勘。對  
讀官應照例議處。其對讀各生。照例戒飭。謄錄  
各役。照例責革。至主考同考官。於錯落各卷業

將抹出者。置議外。其裴鑑。魏毓。郭元基。連登。各卷。同考官均未抹出。祝穗芳。楊兆璜。卷主考同考官均未抹出。應各照例議處。嘉慶十四年題准。已已。

會試第一百八名羅豐賓。經覆勘大臣簽出。第二場硃墨卷策內。擡寫。

聖天子字樣。第二字脫誤。應照違式例罰停。

殿試三科。主考房考。均未看出。正副考官。各罰俸一年。同考官。降一級調用。受卷官失察。應與正。

貼罰俸一年。至原勘官卷內業有簽出之處。應  
覆勘大臣另加增易。應照例毋庸議處。

嘉慶十八年題准。癸酉科鄉試。陝西第二十四  
名董對策。頭場第三藝文內。潞洞作潞泗。又  
山作岷山。非尋常筆誤可比。應照字句疵謬。  
將該舉人罰停會試一科。主考同考官均去  
銜。主考官應照例罰俸六個月。同考官應照  
罰俸一年。

嘉慶二十五年第五名袁三。詩題

玲露無聲濕桂花。花詭林除主考同考官。均已  
抹出。經覆勘大臣奏明免議外。謄錄官對讀官  
均未查出改正。應照例各罰俸三個月。謄錄書  
手及對讀生。應分別戒飭責革。福建第四十六  
名龔文輝。第二場墨卷。禮記題誤寫在前。春秋  
題誤寫在後。查福建鄉試。第二場主考官發題  
後。查知春秋禮記題。前後顛倒。當卽出示更正。  
並自行檢舉具奏在案。該生照原給題紙書寫。  
以致錯誤。與不諳例禁者有間。惟於出示之後。

未及遵照更正。究屬疎忽。似應量爲酌減。罰停  
會試一科。主考官雖據自行檢舉。究於試卷錯  
誤。未經查出。應照舉子罰停一科。主考官罰俸  
六個月例。罰俸六個月。同考受卷官亦未察出。  
應照例各罰俸一年。

又奏准四川第六名蔡應環第二場硃卷。春秋  
題下遺落隱公十有一年句。應照例將謄錄對  
讀官各罰俸三個月。同考官未經抹出。照例將  
同考官罰俸六個月。廣西通省試卷同考官藍

批均行遺漏。應比照同考官遺批薦字例。將同考官各罰俸六個月。廣西第九名龐錫綸第二場墨卷。詩經題侯彊作侯疆。非尋常筆誤。應照疵謬例。將本生罰停會試一科。謄錄未照原卷謄寫。對讀亦未對出。應照例將謄錄對讀官各罰俸三個月。謄錄責革。對讀生戒飭。又彊字係題目字句。受卷官應貼不貼。應照例將受卷官罰俸一年。廣西第十三名鄧瀚。第二場易經文內。修袞龍之法服句。下二語誤沿俗本衍二字。

詩經文內主伯亞旅彊以者也句亦疵。應照疵謬例。將本生罰停會試一科。同考官有未抹之處。應照例將同考官罰俸一年。

嘉慶二十一年奏結。磨勘丙子科鄉試。江南等省中式硃墨卷。浙江第五十名葉葆勳。第三場硃卷內弦字偏旁。未經敬謹缺筆書寫。除主考官簽出。同考官指出。經覆勘大臣奏明免議外。謄錄對讀官均未查出改正。應各罰俸一年。謄錄書吏及對讀生。應照例責革。主考官未去墨

筆浮簽亦應照例罰俸三個月。江西第十四名高炳馴第一場墨卷添註塗改字數以多報少。例無本生應議專條。應比照添註塗改字數漏寫一二處者罰停一科例。高炳馴應罰停一科。受卷官失察。應貼不貼。應照例罰俸一年。江南第五十二名吳守義第一場墨卷內詩題穀稻二字減筆書寫。經覆勘大臣校勘無關弊竇。奏明免議。應毋庸議。

嘉慶二十三年戊寅



恩科鄉試題准磨勘官簽出順天第一百二十一名劉元梁墨卷內詩題下旁註得臨字訛寫雲字據覆勘大臣查明草稿無誤押韻亦無誤與不諳禁例者有間本生應比照順天劉開一題內黍字錯寫之例罰停會試一科其餘受卷等官照例議處。

又題結磨勘山東等省中式硃墨卷山東第一名孟毓蘭墨卷內旁寫添註塗改字數不合通場定式應議查添註塗改數目字樣應書壹貳

等字。如誤寫一二等字。應如何處分之處。例無專條。今該舉人墨卷內。旁寫添註塗改字數。俱誤寫一二等字。應比照漏寫添註塗改一二處之例。將該舉人罰停會試一科。受卷官應貼不貼。罰俸一年。第二十五名董會元。第三場硃卷內。謄錄無故雙行。應照顯違格式例。將謄錄責革。謄錄官應照作字草率。未經查出例。罰俸三個月。

嘉慶二十四年題結磨勘已卯科鄉試。山東等

省中式硃墨卷。河南第三十五名張金榜。第一場硃卷詩內。波誤謄被。謄錄對讀官。應照謄錄字句訛錯。未經查出。改正例。各罰俸三個月。主考同考官。俱經抹出。均應免議。謄錄書手應杖責。對讀生照例戒飭。河南第四十二名張逢斗。等二場墨卷內。題目遺堂字。應照試卷錯落題目字句。未經添改例。將該舉人罰停會試三科。受卷官應貼不貼。罰俸一年。謄錄不照原文謄寫。自行添正謄錄對讀官。應照墨卷字句訛錯。

傳三個月。謄錄對讀生。分別責革。河南  
第一名陳清士。第一場硃卷詩內。瑞鶴千秋。得  
句。硃墨卷不符。謄錄對讀官。應照謄錄。不照原  
字。謄寫。未經查出例。各罰俸三個月。謄錄書手  
對讀生。分別責革。陝西第七名于俊英。第二場  
硃卷內。書經題遺厚生二字。春秋題下遺昭公  
二年字。謄錄對讀官。未經查出。應照例。各罰俸  
三個月。同考官。於書經題遺厚生二字。未抹出。

應照例罰俸六個月。主考俱已抹出。應免議對。  
讀生。應照硃卷題內筆誤一二字及文內錯落  
數字。未經對出例。將該生戒飭。謄錄書手。應照  
例杖責。

道光元年。題結磨勘順天鄉試硃墨卷第四十  
名龍濬。墨卷內三場草稿俱不全。應比照草稿  
未寫全題例。本生罰停會試一科。受卷官。應  
不貼。照例罰俸一年。

道光二年。題結磨勘午科順天鄉試硃墨卷

第二百二十五名長年第一場墨卷內真草不對本生應照不諳禁例例罰停會試三科受卷官失察應貼不貼應照例罰俸一年。

又題結磨勘河南等省鄉試硃墨卷河南第四十名溫貫一第一場墨卷次藝字句疵謬本生應罰停會試一科主考官未抹出應罰俸六個月同考官未抹出應罰俸一年又第一場硃卷次藝錯落過多謄錄對讀官未經查出應各罰俸三個月對讀生戒飭謄錄書手賣草主考官

已抹出應免議同考官未抹出應罰俸六個月。  
又六十一名靳金臺第三場硃卷五策字跡草  
率。謄錄官未經查出應罰俸三個月。謄錄書手  
責革。陝西第四十八名張榮先第一場墨卷詩  
第四聯不對。本生應罰停會試一科。主考官未  
抹出應罰俸六個月。同考官未抹出應罰俸一  
年。又十四名張士驥第一場硃卷遺漏藍批。同  
考官應罰俸六個月。又五十八名賈錫智第一  
場硃卷詩題遺漏題字。謄錄對讀官未經查出。

應各罰俸三個月。對讀生戒飭。膳錄書手杖責。  
主考同考官均經抹出。應免議。

道光三年。奏結磨勘癸未科會試中式貢士第  
二十八名陳大忠。第三場墨卷。策內杜子春。春  
字訛寫眷字。非尋常筆誤。應照字句疵謬例。罰  
停。

殿試一科。主考同考官。於硃卷內。俱未抹出。應照  
例。將主考官罰俸六個月。同考官罰俸一年。第  
一百三十八名張兆泰。第二場墨卷。經文內笙。



鋪訛寫聲容亦非尋常筆誤。應照疵謬例。罰停殿試一科。殊卷內主考同考官業已抹出。應免議。

道光五年奉

旨。禮部議奏浙江監生徐晉抄襲舊文中式後自行檢舉。請照該撫原奏將該生註銷舉人。仍留監生等語。科場爲掄才大典。抄錄舊文倖中者。本生斥革。例有專條。今徐晉雖訊無槍倩別項情弊。安知非慮人告發。始行自首。以爲避重就輕地步。且恐將來僥倖之徒。得以援案檢舉。尤不可不防其漸。徐晉著革去舉

人將監生照例一併斥革。嗣後如有錄舊中式之事。該部仍照定例辦理。以符舊制。而杜倖進。欽此。

又題結。磨勘順天鄉試硃墨卷。第一百二十一  
名劉慶元。第二場書經文內。秋字犯下六處。又  
第二百十三名鹿傳先。墨卷內錯字舛謬太甚。  
非尋常筆誤可比。應照字句疵謬例。各罰停會  
試一科。主考同考。均未抹出。主考官應照例每  
卷各罰俸六個月。同考官各照例罰俸一年。又  
第一百九十四名陳嘉淦。第一場詩抄襲舊作。

改換數字。查原卷內已有改易之處。究與全篇抄錄者有間。本生應於抄錄舊文例上酌減爲罰。停會試三科。主考同考官應照例免議。

又題結磨勘江南第省鄉試硃墨卷。福建第十八名秦蔚文。第二場硃卷。春秋題于誤於。謄錄對讀官。未經查出。均應照例各罰俸三個月。主考同考官均未抹出。同考官應照例罰俸六個月。主考官各罰俸三個月。對讀生戒飭。謄錄書手責革。又福建通省硃卷。正副考官。列銜倒置。

取中字刻印。同考官批語。在考官批語後。此條  
磨勘條例內。並無作何議處明文。查考官列銜  
同考官批語倒置。取中字刻印。均係違式。應請  
照違令例。將主考同考官。各罰俸九個月。又湖  
南第三十九名劉名顯。第三場硃卷。謄錄潦草。  
謄錄官未經查出。應照例罰俸三個月。謄錄書  
手責革。又湖北第一名萬時詰。第二場硃卷。春  
秋題候訛候。公訛君。謄錄訛錯。謄錄對讀官未  
經查出。均應照例罰俸三個月。主考官未經抹

出。應照例各罰俸三個月。同考官已抹出。應免議。對讀生戒飭。謄錄書手責革。又第十二名達哈遜。首場墨卷。詩內聖者更堂皇。不成語。應照字句疵謬例。本生罰停會試一科。同考官照例罰俸一年。主考官罰俸六個月。又第二十一名李先芳。第三場硃卷。謄錄草率。謄錄官未經查出。應照例罰俸三個月。謄錄書手責革。又第十三名傅懋修。第三場硃卷。全卷錯落。謄錄對讀官。未經查出。均應照例各罰俸三個月。又第

四十六名劉際飛第二場硃卷。禮記題脫在字。謄錄對讀官未經查出。應照例各罰俸三個月。主考官已抹出。應免議。同考官未抹出。應照例罰俸六個月。以上傅懋修劉際飛二卷對讀生。應戒飭謄錄書手責革。又第五十名張衍豫。首場墨卷。文內杞棘之荷。龍光句。杞棘非篇名。龍光出蓼蕭篇。引經舛誤。本生應照文內字句疵。謬例罰停會試一科。同考官應照例罰俸一年。主考官罰俸六個月。又江南第四十五名程庭

桂第二場墨卷多寫點寫起講一行查墨卷不入內簾無關獎寶本生應免議又第八十三名鮑蒼霖第三場硃卷。謄錄草率。謄錄官未經查出。應照例罰俸三個月。謄錄書手責革。又浙江通省硃卷。取中字不應刻印。又用墨筆批寫取字中字。主考官應照違令例各罰俸九個月。此條原勘官均未簽出。查各卷內均已另有簽出之處。應免議。

道光六年題結磨勘四川等五省硃墨卷。四川

第三十七名謝人龍。第三場硃卷。謄錄草率。謄錄官未經查出。應照例罰俸三個月。謄錄書手責革。又第六十一名侯璫。第三場硃卷內。復衍三字。又者訛哉。謄錄訛錯。謄錄對讀官。未經查出。應照例各罰俸三個月。正副考官。未經抹出。應照例各罰俸三個月。同考官已抹出。應免議。對讀生戒飭。謄錄書手責革。又廣東第四十一名歐陽柱。墨卷內第二藝塗改七字。註塗改無字樣。查字數不符在十字以內。例無作何處分。



明文既經覆勘大臣聲明與咎干貼出者有間。係屬疎漏。本生應比照漏寫添註塗改一二處之例。罰停會試一科。受卷官應予免議。硃卷內謄錄不照原字謄寫。謄錄對讀官未經查出。應照例各罰俸三個月。對讀生戒飭謄錄書手責革。其昭考穆考互舛之處。考官已抹出。應免議。同考官未經抹出。應照例罰俸一年。又第四十九名莊汝廉。第二場硃卷內。春秋題下。謄錄漏寫年分。謄錄對讀官未經查出。應照例各罰俸

三個月同考官未經抹出。應照例罰俸六個月。  
考官已抹出。應免議。對讀生戒飭。謄錄書手責  
革。又第六十九名黃位中。第一場墨卷內。所攸  
二字義複本生。應照文內字句疵謬例。罰停會  
試一科。考官同考官。俱未抹出。正副考官。應照  
例各罰俸六個月。同考官。罰俸一年。又廣東通  
省硃卷。正副考官。取中字。均用刻印。考官應照  
違令例。各罰俸九個月。又廣西第十名黃鵬翥。  
第二場墨卷內。添註塗改過百字。且字數與所

註不符本生應照不諳禁例例罰停會試三科。  
受卷官應貼不貼罰俸一年。又第十三名蘇藹  
藩第一場硃卷詩內聽訛听謄錄對讀官未經  
查出應照例各罰俸三個月。對讀生戒飭謄錄  
書手責革。又詩內以蕉桐與絲竹作對蕉桐二  
字無出本生應照文內字句疵謬例罰停會試  
一科。其硃卷內考官同考官均未抹出正副考  
官應照例各罰俸六個月。同考官罰俸一年。又  
第三十九名劉昨伊第一場墨卷內添註塗改

過百字詩內杏苑二字不應擡。本生應照不諳  
禁例例。罰停會試三科。受卷官應貼不貼。罰俸  
一年。該生硃卷內第三篇前半墨筆未經點到。  
正副考官應照例各降一級留任。又第四十五  
名鄭存統硃卷卷面藍筆誤行畫押。例無議處。  
專條應將同考官照違令例。罰俸九個月。又貴  
州第十一名皮文炳第一場硃卷內。謄錄漏寫  
詩題旁註。謄錄對讀官未經查出。應照例各罰  
俸三個月。對讀生戒飭。謄錄書手責革。又第二

十三名陳汝翼第一場硃卷內墨筆浮簽未揭  
正副考官應照例各罰俸三個月又貴州通省  
硃卷卷面均未填寫名次此條例無議處明文  
據覆勘大臣聲明該省硃卷既經填寫姓名墨  
卷上亦已填寫名次至硃卷上未經先填名次  
係屬無關弊竇但究屬疎漏正副考官應照遺  
漏舛錯例各罰俸一年又貴州通省硃卷內均  
祇於第一頁鈐用彌封官關防戳記自第二頁  
以後均未鈐用未便僅照漏用一卷本例罰俸

三個月。應將彌封官照違令例。罰俸九個月。以上廣東通省。硃卷取中字刻印。貴州通省。卷面未填名次。卷內失用戳記。原勘官有未經簽出者。業於各卷內另有簽出之處。均應照例免其議處。

道光八年。題結磨勘。戊子科順天鄉試。第二百零名。夏謙三。場墨卷。添註塗改。均過百字。本生應照不諳禁例。例罰停會試三科。受卷官應貼不貼。應照例罰俸一年。又頭場墨卷。受卷官漏印。

卷上條記應比照彌封官漏印卷上條記例罰俸三個月。

道光十一年題結磨勘山東等省鄉試中式硃墨卷河南第二十三名劉廷士第三場第三問策內引用孫奇逢湯斌查策內不得引用

本朝人名恐該士子等於現在臣工妄加褒貶致啟黨同攻訐之弊今該舉人策內所引孫奇逢湯斌業已欽奉

諭旨從祀

文廟。並非現在人名。未便照不諳禁例辦理。應按照文內引用後世事例。罰停會試一科。主考房考並未指出主考官罰俸半年。同考官罰俸一年。陝西第五十四名趙毓麟。第三場草稿頂格寫磨勘例內。並無專條。應比照草稿脫寫全題例。罰停會試一科。受卷官應貼不貼。應照例罰俸一年。又第一場硃卷詩題。謄錄漏寫旁註。對讀官補行填寫謄錄官。未經查出。應照例罰俸三個月。謄錄書手責革。再趙毓麟硃卷詩題下漏



寫旁註經覆勘大臣簽出原勘官另有簽出之處應照例免議

道光十二年覆勘大臣潘世恩等奏覆勘應議試卷一摺奉

旨潘世恩等奏本年順天鄉試中式硃墨卷覆勘得應議者三卷其張惠立一卷據稱原勘官簽出第一場首藝內亦樂乎疏水曲肱也句正本稿本硃卷均無非字看係添字筆跡不符與後比係一手添成又後二比末硃墨卷皆經塗改原註塗改字數不符著禮

部堂官卽傳該舉人到部。攜帶筆硯。當面寫對筆跡。並將卷內字跡不符。及塗改字數。與原註何以不符之處。訊明有無情弊。據實具奏。再行照例覈辦。其陶樹美何渭二卷。應議之處。均著禮部照例辦理。欽此。

又奉

旨。前據潘世恩等奏。覆勘得應議舉人張憲立一卷。添字筆跡。及塗改字數不符。當降旨交禮部堂官。傳到該舉人。詢明有無情弊。據實覆奏。茲據奏查傳該舉人到部。面加詳詰。實係匆忙塗改。繕寫潦草。未將字

數覈算另行改正復令當面默寫字跡與原卷覈對  
尙屬相符。惟該舉人墨卷塗改之處。硃卷均應照所  
改字句謄寫。何以該謄錄將墨卷所添非字及後比  
所塗二句並旁跨之字照樣錄出。著順天府將該謄  
錄書手傳到送交禮部訊明有無情弊。據實具奏。再  
行照例覈辦。欽此。

又奉

旨。前據禮部奏潘世恩等覆勘應議舉人張惠立一卷  
添字筆跡及塗改字數不符。傳到該舉人當面默寫。

字跡與原卷覈對尙屬相符。當降旨令順天府傳到該臚錄書手送交該部訊明有無弊竇。茲據奏該臚錄劉蒼配於墨卷旁跨塗改之處遺漏錯誤。隨照墨卷添註更正。並令該臚錄將後比所改二句當堂默寫覈對筆跡亦屬相符。尙無別項情弊。惟該舉人張惠立墨卷內添註塗改與原註字數不符。已在十字以外。著罰停會試一科。受卷官未經查明貼出。著照例罰俸一年。餘依議。欽此。

又題結磨勘壬辰科順天鄉試中式硃墨卷第

一百五十四名陶樹美第二場經文內絃字。

廟諱偏旁未敬謹缺筆。應照例罰停會試三科。受卷官應貼不貼。應照例罰俸一年。硃卷內主考官看出已據覆勘大臣聲明免議。應毋庸置議外。同考官未經指出。應照例降一級調用。第二百二十八名何渭第一場添註塗改過百字。應照例罰停會試三科。受卷官應貼不貼。應照例罰俸一年。再。陶樹美硃卷內。

廟諱偏旁未敬謹缺筆。何渭墨卷內添註塗改過百字。

均經覆勘大臣簽出。原勘官已有簽出之處，應照例免議。

又覆勘大臣潘世恩等奏准原勘官簽出陝西第三十名陳景良第一場墨卷，詩風字下少一字，應議。覆勘得墨卷草稿內，詩風字下並未短字，謄真誤脫一雲字，無關弊竇，應免議。硃卷內主考同考官已抹出，亦應免議。

又奏結磨勘江南等六省硃墨卷，江南第五十九名林士鈐，詩第六聯弩字失粘，本生應照例

罰停會試一科。同考官罰俸一年。主考官已抹出。應照例免議。再查定例。各省鄉試硃墨卷。應於揭曉日。卽行封固解部。如有遲延。禮部查叅。此次應行磨勘之湖南省試卷。據該撫文稱。於閏九月二十七日起程。赴部交投等語。距該省揭曉。將及五十日之久。始行起解。實屬有違例限。應查取遲延職名。送部照例議處。

道光十三年。題結磨勘壬辰科鄉試。雲南五省中式硃墨卷。貴州第十九名劉席珍。硃卷內副

考官漏印銜名未能自行查出。應比照主考官遺批取中之例。罰俸六個月。又雲南第三十四名段文瀾。詩內塗改字數不符在十字以內。本生應照漏寫添註塗改一二處之例。罰停會試一科。

道光十四年奏准。科場條例磨勘一門。歷科俱有經原勘官。及覆勘大臣簽出者不下數十百條。其中有例案未經詳載。隨時比照辦理者。閱時既多。前後合參。似不免有所參差。現今纂輯



頒行。凡新舊各案俱須載入。自應斟酌允當。以昭畫一。庶臨時有所遵循。不致啟畸重畸輕之憾。謹將例案內未盡符合之處。參酌改正。分別開單。恭呈

御覽

一條例內載主考用墨筆。同考官用藍筆。有誤用者。罰俸一年。又載房考批語誤用墨筆者。罰俸三個月。查房考誤用墨筆。有罰俸一年之例。復有罰俸三月之條。恐畸輕畸重。辦理

易致兩歧。應請嗣後以罰俸一年爲斷。其罰俸三個月之條。卽行刪除。

一條例內載。試卷內有墨筆添改者。實在主考。降三級調用等語。又載。嘉慶十五年。江南第十八名胡培翬。硃卷內主考官用墨筆代添雲字。經覆勘大臣奏明。比照誤用墨筆例。罰俸一年。嘉慶二十三年。湖南第三名游裔恪。硃卷內。墨筆簽改二處。經覆勘大臣奏明。無關弊竇。免議。查墨筆添改。例應降調。從前覆

勘大臣戒以添一字而予以罰俸。或以改兩處而予以免議。殊不足以昭平允。擬請嗣後硃卷內有墨筆添改者。照例將主考官降三級調用。其因卷內脫落一二字。用墨筆代爲添註。雖屬無關弊竇。究有不合。應定爲罰俸一年。以示區別。

一條例內載。文內字句疵謬者。罰停一科。又載。文內字句小疵。予以免議等語。嘉慶十二年順天第三十五名楊惕龍。文內怵訛出。照字

句疵謬例。罰停一科。嘉慶二十三年。福建第七十名丁曜圖。卷內操觚末學。訛操瓢未學。經覆勘大臣。以字句小疵。奏明免議。查字句疵謬。與字句小疵。本屬無甚區別。乃或一字之誤。罰停一科。兩字之訛。奏明免議。輕重互異。未免難於遵循。應請嗣後文內字句有疵者。均定爲罰停一科。以杜歧異。

一條例內載。卷內訛補數字者。罰停一科。又載。嘉慶二十一年。山西第二名賀裕。第三場壘

卷。擡頭。空補。將該舉人罰停二科。至道光二年。江西第十八名遠聯吉第三場墨卷擡頭。空補。照例罰停一科。查擡頭。空補。非尋常錯誤可比。僅照空補數字。罰停一科。未免無所區別。應請嗣後有空補擡頭者。定爲罰停二科。奉旨仍照空補數字之例。罰停一科。

一條例內載。卷內漏填對讀生。謄錄書吏姓名。對讀生戒飭示儆。謄錄書吏責革。該所官各罰俸三個月。又載乾隆四十四年。山東第十

九名元廷俊第三場硃卷未填膳錄姓名將  
膳錄官議處至道光二年廣東第六名潘垣  
書第三場墨卷內原勘官簽出膳錄脫漏姓  
名應議經覆勘大臣奏明免議查膳錄脫漏  
姓名遇有錯誤難於稽查從前奏明免議未  
免失於過寬應請嗣後仍照定例將該書吏  
責革膳錄官罰俸

一條例內載

恩膏

德意等字例應雙擡。

朝廷

國家等字例應單擡。其有雙單偶誤者，准予免議。  
又嘉慶十三年磨勘歲考前列試卷，湖北一等五名陳大儒。

熙代二字誤寫單擡，係罰停一科。嘉慶十八年四川一等一名周毅足。

猷徽二字應擡不擡，係罰停廩餉一年。查擡頭雙單偶誤本可免議，乃予以罰停鄉試，至應擡不

擡應行罰科。乃予以罰停廩餼。辦理未免兩歧。應請嗣後歲科前列試卷。於應擡字樣不行擡寫者。定爲罰停一科。其雙單擡偶誤者。予以免議。奉

旨。禮部奏酌改科場條例六條。詳閱單內。請將它補擡頭者。定爲罰停二科。朕思該士子等。草茅新進。體例未必盡諳。若以無心錯誤。概予從嚴。殊非愛惜人才之意。嗣後中式墨卷。有於擡頭處它補者。著仍照它補數字之例。罰停一科。餘依議。欽此。



又題結河南第五名郭寶饋。硃卷內奈何下未照原卷。謄完。謄錄對讀官未經查出。應照例各罰俸三個月。對讀生戒飭。謄錄書手責革。主考同考官已抹出。應免議。又第五十二名柯什布。硃卷內第二問。謄錄空白三字。謄錄對讀官未經查出。應照例各罰俸三個月。對讀生戒飭。謄錄書手責革。

又奏結湖南第二十一名夏陳常。硃卷對讀不遵用黃筆。次場硃卷。謄錄草率。謄錄對讀官應

照例各罰俸三個月。對讀生戒飭謄錄書手責革。又福建通省試卷取中二字均誤用木印。應照違令例。將正副考官各罰俸九個月。又硃卷同考官均重印薦條例內所載罰俸三個月。自係指一卷而言。今該省薦條均屬重印。未便僅擬以罰俸三個月。應請比照違令例。將同考官內監試官各罰俸九個月。

道光十五年題結貴州通省硃卷均未填寫名次。應照遺漏舛錯例。將該省正副考官各罰俸

一年又四川第五十八名徐慶永第二場墨卷出備無多句費解。是獲是獲句疵謬。第三場墨卷三行四行六行。社倉皆寫杜倉。後一行社長書作杜長。照例均止罰停一科。惟第二場墨卷內重複四行。查係謄寫越幅。未經點去。實屬違式。照例應罰停三科。自應從重。科斷。應將該生照例罰停會試三科。又殊卷謄錄改杜爲社。謄錄對讀官。未經查出。應照例各罰俸二個月。謄錄對讀生。分別責革。至墨卷內主考同考用筆。

刪截例內並無作何議處明文據覆勘大臣聲明非添改可比。自未便照添改之例辦理。惟主考同考看出多謄數行並不照例抹出輒用筆刪截均屬不合。應擬以降二級留任。

又奏准本年順天鄉試磨勘經覆勘大臣核對出第七十二名舉人王樂善墨卷與錄科原卷字體間有不符。奏請究辦。當經行文直隸總督將該舉人傳送到部以憑查究。旋據查明王樂善鄉試後因舊疾舉發抵家身故。查舉人王樂

善中式墨卷與錄科原卷字體不符本應照例  
究辦現已身故應毋庸議

又奏准乙未

恩科鄉試順天等省試卷經覆勘大臣先後覆勘完竣  
至廣東廣西四川雲南貴州試卷亦應於本年  
封印前磨勘現查雲南省試卷於本月十八日  
始據解送到部核對該省咨報揭曉日期已逾  
九十日之限封印在邇碍難磨勘應請查照嘉  
慶五年成案將廣東等五省試卷展至明年開

印後再行磨勘其解卷遲延職名應照例交部  
察議。

又會奏准安徽舉人王景場內次藝默寫伊故  
祖遺文係屬全篇抄錄應將舉人斥革並革去  
文生其主考同考官照例免議。

又題結山西第四十六名曹克忠墨卷內錯謬  
太多若僅照字句疵謬例罰停一科不足以示  
懲儆應請比照援引錯謬例罰停二科主考同  
考官均有未經抹出之處主考官應照例罰俸

六個月。同考官應照例罰俸一年。又硃卷內撰  
祥蔚尉等字。謄錄不照原卷謄寫。謄錄對讀官  
未經查出。應照例各罰俸三個月。謄錄對讀生  
分別責革。又陝西第十四名孫敷曾墨卷內第  
三場第二問。

廟諱未經敬避。應照例罰停三科。主考同考官雖經指  
出。主考官應照例罰俸一年。同考官降一級調  
用。受卷官失察應貼不貼。罰俸一年。

又奏結福建第四十三名沈殿元第一場墨卷

丙告栗誤作告栗。第三藝塗改字數不符。在十字以外。照例均止罰停一科。惟詩末及通共添註塗改一行。將添註字數改寫。蹟涉可疑。照例罰停會試二科。受卷官應貼不貼。罰俸一年。硃卷內栗字。同考官已經抹出。應行免議。主考官未抹出。應照例罰俸六個月。

道光十六年。奏結磨勘會試硃墨卷。第十二名江西貢士湯雲林。第一場墨卷。草稿不全。應照草稿未寫全題例罰停。



殿試一科。受卷官應貼不貼照例罰俸一年。

道光十七年。奏結順天鄉試硃墨卷第三十名  
鍾榮桂。無彌封關防。第四十七名孟毓珍。第一  
百十五名覺羅耆齡。第一百二十七名周芳模。  
第一百七十七名王大本。坐號均用紫筆塗改。  
經覆勘大臣聲明應查。當將原卷封交順天府。  
詳細查對。旋據覆稱。覈對坐號底簿。均相符合。  
並無情弊。本生均應免議。惟鍾榮桂三場試卷。  
彌封官遺漏戳印。雖有知情弊。亦應照例議處。所

有漏印所官。應罰俸三個月。至第五名盧光吉。第二十一名尹國珍。第二百二十名主墳德。均於添註塗改數目塗改。本生應照例各罰俸會試二科。受卷官失察。應貼不貼。應照例各罰俸一年。第一百十六名朱鑾。二場文內。稍乃逸句未妥。又夾鐘作夾中。三場策內。獻王作獻玉。若干作若干。非尋常筆誤。應照字句疵謬例。罰俸會試一科。硃卷內夾中獻玉。墨筆未抹出。主考官應照例各罰俸六個月。又第六十名薩麟。第

一百一名童柱。第一百六十一名陸烜。第一百九十八名鍾淮。春秋題于俱訛於本生。應照例各罰停會試一科。受卷官失察。應貼不貼。應照例各罰俸一年。鍾淮硃卷內。主考同考官。均未抹出。主考官應照例各罰俸六個月。同考官應照例罰俸一年。陸麟硃卷內。同考官未抹出。應照例罰俸一年。童柱硃卷內。主考官未抹出。應照例各罰俸六個月。又第一百六十四名孫夢桃。篇中語多疵謬。應照援引錯謬例。罰停會試

二科主考同考官於疵謬處均未看出主考官  
應照例罰俸九個月同考官應照例降一級留  
任又第二百名年齡頭場二篇故字犯下三場  
第四問左道而析言之措詞未妥應照字句疵  
謬例罰停會試一科主考官均未抹出應照例  
各罰俸六個月同考官於故字未抹出應照例  
罰俸一年又第二百十八名強汝霖三場草稿  
越幅查試卷越幅照不諳禁例例辦理自係指  
謄真而言草稿與謄真不同予以罰停三科未

免過重。惟越幅究屬不合。應請照不諳禁例例酌減爲罰。停會試一科。受卷官失察。應貼不貼。應照例罰俸一年。又第二百二十三名文瑞。三場策內顏師古作告。硃卷內同考官未抹出。應照例罰俸六個月。又第十八名趙克昌。頭場首藝前半篇鈔錄韓文顯舊作。後半篇鈔錄曹之升舊作。第一百十名張鵬翀。頭場首藝全篇鈔錄曹之升舊作。均係錄舊倖中。應卽照例黜革。主考同考官例得免議。再覆勘大臣籤出應議。

各卷原勘官已另有籤山之處。應照例免議。

又奉

上諭。御史李熙齡奏。查出從前各省鄉試錄舊倖中。並本年順天鄉試中式第十八名趙克昌。抄錄舊文。請飭查覈等語。著禮部查明。照例分別辦理。摺并發欽此。嗣經奏准。查原奏內稱。嘉慶己卯科浙江第十六名駱鵬雲。後二比勦襲方棻。如集虛齋稿。道光壬辰科陝甘第二名齊恩榮。全錄于宗瑛來鶴堂稿。不過字句稍有改易。道光壬辰科順

天第五十八名陸大中。後二比勦襲檀萃蘊經堂稿。有增改一句而作兩句者。有移對比兩句於出比者。要爲勦襲無疑。道光甲午科江西第三十四名劉學洙全錄

欽定本朝四書文會王孫作。前後亦有增改。要爲全錄無疑。今歲丁酉科。順天第十八名趙克昌。前大半篇鈔錄浙江甲寅科第三名韓文顯闡墨後二比鈔錄曹之升時文。合爲一篇等語。當卽行文都察院。轉飭該御史將摺內所指各舊作檢

送過部。並將庫存各該舉人中式祿單卷查出。詳加覈對。內趙克昌一名。本年錄舊倖中。已據覆勘大臣籤出。應議現經照例擬以黜革。應毋庸再議外。其道光壬午科。陝甘中式第二名齊恩榮。實係鈔錄于宗瑛舊作。道光甲午科。江西中式第三十四名劉學洙。實係鈔錄曾王孫舊作。均應照全篇鈔錄舊文倖中者。本生黜革例。將該舉人等卽行黜革。主考同考官俱照例免議。又嘉慶己卯科。浙江中式第十六名駱鵬雲。



後二比內勦襲方彙如舊作共十二句應照勦襲雷同者罰停二科例將該舉人罰停二科至道光壬辰科順天中式第五十八名陸大中查對原卷後二比內兩處僅止相同二句且有增易之字似未便因字句之間偶與前人相合過爲毛疵之求應請免其置議

又奉

上諭祁墳等奏中式舉人查有頂冒代倩情弊請斥革究辦一摺本科廣東省鄉試中式第二十六名舉人

張貽桂考通文字與中卷筆跡不符經該撫等訊出該生於考遺時倩生員張先甲冒名入場代作其鄉試文字又與同號之副貢生周全歲貢生蔡聯奎商量改作案關科場舞弊必當認真究辦張貽桂著卽革去舉人交鄧廷楨祁墳提同應訊人證研審確情分別按律定擬祁墳李星沅未能預爲防範著交部照例議處欽此。

又奏結山東等省硃墨卷山西第十五名渠允謙詩內含字失黏硃卷改作帶字第五十七名

顏玠詩內冷冷。硃卷傍改淙淙。均經覆勘。大臣  
聲明應查。現將原卷封交該撫。查明有無情弊。  
查覆到日。再行覈辦。第二十三名郭在南。墨卷  
內鼎盤二字黏補。本生應照例罰停會試一科。  
受卷官失察。應貼不貼。應照例罰俸一年。第三  
十七名鄭沂。硃卷二三場俱無薦條。覆勘得通  
省二三場均漏用薦條。未便僅照漏用一卷本  
例。各罰俸三個月。應將同考官及內監試官。均  
照違令例。各罰俸九個月。又河南第二十一名

王陽五。春秋文及策內錯謬太多。本生應請援引錯謬例。罰停會試二科。主考同考官均有未經抹出之處。主考官應照例罰俸六個月。同考官罰俸一年。又陝西第九名王彭齡。硃卷詩題謄寫違式。謄錄官應照例罰俸三個月。謄錄書手責革。又河南第五十七名劉廷樞卷內。主考官漏印官銜遺寫取中字。主考官應照例罰俸六個月。又主考同考官均無批語。應照例各罰俸六個月。

又奏結磨勘江南等五省。應議硃墨卷。江南第  
十一名王振聲。硃卷詩題下漏謄韻腳。第二十  
名嚴宗熙。硃卷詩題旁註脫落字字。第八十二  
名張榮。硃卷詩經題脫落鳴字。第一百四名楊  
希銘。硃卷詩經題不盈誤大盈。第一百六名左  
駿章。硃卷春秋題漏謄旁註。浙江第四十五名  
吳先昭。詩內畫鴨改畫鷁。硃卷不照謄。湖北第  
三十二名楊榮昌。墨卷塗去兩行有餘。硃卷誤  
行謄寫。謄錄對讀官未經查出。應照例各罰俸

三個月對讀生戒飭。謄錄書手責革。左駿章卷內同考官未抹出。應照例罰俸六個月。王振聲嚴宗熙張榮楊希銘黃佑祥卷內主考同考官均未抹出。同考官應照例各罰俸六個月。主考官各罰俸三個月。又浙江第五十五名童載詠三場殊卷。郡誤群。未經抹出。同考官照例罰俸六個月。主考官各罰俸三個月。又浙江第八十八名任湘添註塗改過限六十字。三場草稿頂格寫查草稿頂格。例止罰停一科。自應從重科。

斷照不諳禁例例。罰停三科。受卷官應貼不貼。  
照例罰俸一年。

道光十八年。奏結磨勘福建等六省鄉試墨卷。  
福建第七十六名陳文年。策題夾寫。本生應照  
不諳禁例例。罰停三科。受卷官失察。應貼不貼。  
應照例罰俸一年。

又奏結山西第十五名渠允謙墨卷。詩內含字  
失粘。硃卷改作帶字。又第五十七名顧玠。詩內  
冷冷。硃卷旁改淙淙。均由覈勘十臣聲明應查。

當經將硃墨各卷封交該撫確切查明旋據覆稱渠允謙頭場墨卷。謄錄係李軌干因病轉僱同住之書手張輝照謄。李軌干粗知平仄查看原謄硃卷詩內含字失粘起意更改希冀中式索謝隨令張輝改作帶字。顏玠頭場墨卷。謄錄係武廣文因寫字遲慢轉僱代陳步芳承充書手之間四照謄。武廣文亦畧曉平仄查看墨卷疑係素識之范子敬筆跡因詩內冷冷平仄不調一時關切卽自將硃卷內冷冷旁改淙淙均



訊無賄囑。明知更改弊竇。復令該舉人等將詩句默出。俱與墨卷相符。亦無賄囑改詩情弊。查科場條例內載。詩內平仄失粘者。罰停一科。今山西舉人渠允謙。墨卷詩內含字失粘。應照例罰停一科。至頡玠墨卷。詩內冷冷二字。經覆勘大臣聲明。係冷冷之訛。筆誤免議。其硃卷詩內含字。改作帶字。冷冷旁改淙淙。現據該撫查明。委係各謄錄自行更改。雖無賄囑情弊。惟謄錄率改詩字。並僱人代謄。自應從重問擬。業經該

撫分咨刑部。應由刑部自行核覆。謄錄對讀各官於硃卷改字。未能查對更正。應照例各罰俸三個月。對讀生照例戒飭。至謄錄書手。轉僱頂替。應由該撫查取起送各州縣職名自行咨部議處。

道光十九年奏准奉

上諭。龔守正等奏。覆勘本年鄉試硃墨卷。請旨查辦。並開單呈覽一摺。據奏。閔翥鵬正場及覆試卷。與錄科卷筆蹟粗細不符。著禮部傳到該舉人當堂核對筆

蹟。奏明辦理等因。欽此。當卽傳到閭勸諭。令其當堂書寫粗細兩體字蹟。粗者與錄科卷相符。細者與正場覆試卷相符。公同核對。實係一人筆蹟。並無弊竇。應請免議。

又奏。給磨勘順天鄉試應議硃墨卷。第八十名鄭之鐘。頭場硃卷。第三篇題目。出入無時。誤謄出無無時。第一百二十五名張國士。硃卷策題。第五問誤謄第五闕。謄錄對讀官。均未經查出。改正。應照例各罰俸三個月。謄錄對讀。分別責

革戒飭主考同考官均未抹出應照例將主考官各罰俸三個月。同考官各罰俸六個月。第一百二十四名馮楫。覆試詩內失粘。考列四等。照例罰停會試一科。

又准刑部咨。奏結本科中式舉人廉敬。文理不符一案。廉敬入場鄉試。詩文經策。並不出自心裁。輒默寫伊祖窗課舊稿。並勦襲挪用。僥倖中式。應照全篇錄舊倖中本生黜革例。將廉敬舉人監生筆帖式一併斥革。

又奏結山東等四省硃墨卷。山西第五十四名張懋暉。第三場墨卷。添註筆蹟不對。硃卷第二問內。空補三字。現將原卷封交該撫。查明有無情弊。應俟查覆到日。再行覈辦。山西第一名張銘西。第一場首篇。人煥然布如星辰之拱錯以綜矣句。字語有疵。本生應照例罰停會試一科。主考同考俱未抹出。主考官應照例各罰俸六個月。同考官應照例罰俸一年。又第三十名劉堦。頭篇自開講起。真草不符。經覆勘大臣公同

細對真草尙未全然不符。惟脫落舛錯太多。應照真草全然不對例。酌減爲罰。停會試二科。受卷官應貼不貼。應照例罰俸一年。又河南第六十三名王穎川。墨卷五策題一二三四五字。皆作壹貳叁肆伍字。訛寫策題。本生應照例罰停會試一科。受卷官應貼不貼。應照例罰俸一年。又奏結磨勘江南等六省鄉試硃墨卷。江西第三十九名劉拱辰。墨卷第一場第三篇。謄真草率。查科場條例。謄真用行草書者貼出。其磨勘

金匱要略卷三十一  
作何議處。例無明文。應比照書寫卦畫篆體。罰  
停一科之例。罰停一科。又詩題雲水光中洗眼  
來。來誤中。誤寫題字。亦應罰停一科。劉拱辰應  
照例罰停會試二科。受卷官應貼不貼。罰俸二  
年。又第九十名吳邦俊。頭場首題。其有成功誤  
寫。其有其功。應照例罰停會試一科。受卷官應  
貼不貼。罰俸一年。

道光二十年。奏結磨勘雲南等省鄉試硃墨卷。  
雲南第四名張象乾。添註塗改字數不符。每場

俱在十字以內。旣經覆勘。大臣聲明。與咎干貼出者有問。係屬疎漏。應照例罰停會試一科。受卷官應免議。

又奏准己亥科鄉試。山西第五十四名張懋暉。墨卷添註筆蹟不對。硃卷內挖補三字。當經將硃墨卷封交該撫確查。旋據覆稱。舉人張懋暉。於三場交卷時。查看第二問策內擡頭錯誤。當卽塗去一字。添註一字。惟時天色甫明。以致字畫稍粗。細覈筆蹟無異。嗣發謄錄所謄寫。書手



因夜間燭油爆滴卷上。致將硃卷挖補三格。所補字蹟查與全卷相符。均無別項情弊。查山西舉人張懋暉。第三場墨卷。添註字畫稍粗。實係自行更改。並無情弊。本生應毋庸議。謄錄硃卷挖補。應將謄錄書手責革。對讀生戒飭。謄錄對讀官。照例各罰俸三個月。同考官於卷內挖補。未能加簽。例內並無作何議處明文。旣據該撫聲稱。係屬疎忽。應照謄錄對讀官未能對出。罰俸三個月之例。罰俸三個月。

又軍機大臣面奉

諭旨。此次中式舉人谷澤山。覆試卷內另頁詩句。與卷內詩首句不符。著交磨勘大臣。與各卷一體磨勘。欽此。嗣經磨勘大臣覆奏。勘得谷澤山覆試另頁所寫詩句。係正場詩首句。係屬誤會。應毋庸議。又奏結。磨勘庚子。

恩科順天鄉試中式硃墨卷第三十七名蔡傳梅。第三場塗改不符在十字以上。第一百八十二名錢淳。禮記文添註不符十二字。本生應均照例罰

停會試一科。受卷官未經查明貼出。應各照例  
罰俸一年。又第一百九十五名劉其綸第二場  
詩經文起講內。

先師諱不知敬加偏旁。本生應照不諳禁例。罰停  
會試三科。主考房官未經點出。主考官應照例  
各罰俸一年。同考官應照例降一級調用。受卷  
官應照例罰俸一年。又第二百二十三名牛聚  
頭場硃墨卷。三藝題目多寫以字。本生應照例  
罰停會試一科。主考房官未經抹出。主考官應

照例各罰俸三個月。同考官應照例罰俸六個月。受卷官應照例罰俸一年。又第一百名克昇。覆試考例四等。詩句失黏。本生應照例罰停一科。

又奏結磨勘庚子

恩科鄉試山東等省硃墨卷。山東第三十四名王汝銓。硃卷詩內勤字。謄作競字。不照原字謄寫。謄錄對讀官未經查出。應照例各罰俸三個月。對讀生戒飭。謄錄書手賁革。添註塗改字數。改寫本

生應照例罰停會試二科。受卷官失察。應貼不貼。應照例罰俸一年。又山西第五十四名曹培。滋。硃卷詩內應擡不擡。係不照原卷謄寫。謄錄對讀官。未經查出改正。應照例各罰俸三個月。對讀生戒飭。謄錄書手責革。又山西第三十七名陰昌庚。第三場謄錄五策。俱以草書。謄錄官應照例罰俸三個月。謄錄書手責革。又陝西第四十九名張振翮。第一場硃卷。同考官重用薦條。同考官內監試官。應照例各罰俸三個月。又

山東春秋題目題紙漏寫有字主考官應照例  
各罰俸三個月。再此次應議各卷經原勘官簽  
出覆勘大臣另有增易之處應照例免議。

又奏結磨勘庚子

恩科浙江等省硃墨卷浙江第九十四名王應楨第一  
場添註字數塗改通共添註九字旁改二十八  
字第三場塗改十三字十字旁寫通共添註塗  
改十八字十字旁寫查王應楨第一場第三場  
添註塗改字數均有添改自應從重罰停會試

三科受卷官應貼不貼。罰俸一年。又福建第十  
五名黃一鳴。第一場墨卷。塗去十二行。黃一鳴  
應照例罰停會試三科。受卷官應貼不貼。罰俸  
一年。第八十三名黃纘緒。第二場五經文。添註  
塗改字數小寫。第三場五策。添註塗改字數俱  
小寫。黃纘緒應照例罰停會試一科。受卷官應  
貼不貼。罰俸一年。又湖南第十一名鄒榮照。二  
場藍筆浮籤未去。查科場條例。藍筆浮籤未去。  
例無專條。應比照主考官墨筆浮籤未去。罰俸

三個月之例。同考官罰俸三個月。第十七名劉榮幹。同考官重用薦條。同考官內監試官。各罰俸三個月。

道光二十三年。奏結順天硃墨卷。第一百六十一名周灝。孫頭場墨卷添註塗改已過百字。應照例罰停會試三科。受卷官應貼不貼。應罰俸一年。第六十名何福宇。頭場墨卷改寫塗改字數。第一百九十四名石茂蘭。頭場墨卷改寫塗改字數。均應罰停會試二科。受卷官未經貼出。



各罰俸一年。第一百二十三名高濟清。二場墨  
卷改寫通共添註塗改字數。該舉人通共添註  
塗改字數。原寫叁拾肆字。改寫肆拾肆字。覆勘  
大臣照例簽出。查全卷內添註塗改。實係肆拾  
肆字。是其始而筆誤。繼則更正。似無弊竇。與蹟  
涉可疑者有間。應免置議。等因具奏。奉

旨依議。欽此。

又奏准。廣東巡撫程元采等奏稱。本科中式舉  
人陳文淵錄舊倖中。奏請斥革。一摺。舉人陳文

瀾首藝開講中股錄有汪荳文數語。後二股全抄儲大文作。次藝有伊伯父商稿。三藝有黃嘉穎課藝。亦多勦襲。經該撫風聞查出。所錄成文。覈對該生自行投到。訊悉勦襲熟讀成文。並無別項情弊。雖非全篇抄錄舊文。惟三藝均有勦襲。應比照全篇抄錄舊文之例。卽將陳文瀾舉人斥革。

又奏結磨勘山東等三省鄉試硃墨卷。山東全省硃卷均係重印薦條。例內所載罰俸三個月。

自係指一卷而言。今該省薦條均屬重印。應請  
照違令例。將同考官內監試官。各罰俸九個月。  
又山東第四十一名楊順時。添註塗改過百字。  
應照例罰停會試三科。受卷官應貼不貼。罰俸  
一年。又山東第三十八名王雲漢。第二場改寫  
塗改字數。又山西第二十六名托津阿。第一場  
改寫數目字。均罰停會試二科。受卷官應貼不  
貼。各罰俸一年。又山東第六十名魁保。二場第  
五題草稿不全。應比照草稿未寫全題例。罰停

會試一科。受卷官應貼不貼。罰俸一年。又山東第三十名張兆棟。頭場添註塗改倒寫。無關弊竇。應毋庸議。三場以愛勝三字費解。應照字句疵謬例。罰停會試一科。同考官未經抹出。罰俸一年。主考官業經抹出。應免置議。又陝甘第二十三名鄒璠。第三場改寫塗改字數。應罰停會試二科。受卷官應貼不貼。罰俸一年。又山東第六十六名姜毓杰。第二場改寫數目字。應罰停會試二科。受卷官應貼不貼。罰俸一年。又陝甘

第九名任國楨。二場硃卷禮記題問字行書。應照謄錄草率例。謄錄官罰俸三個月。謄錄書手責革。主考同考官均未抹出。例無議處明文。應免置議。

又奏結。磨勘江南等省硃墨卷。江南第六十九名吳良翰。鄉試卷與錄科卷字蹟不符。經覆勘大臣聲明應查。將原卷封交該撫查明。有無情弊。應俟查覆到日。再行覈辦。至湖南全省硃卷。均重印謄條。應照上屆奏定章程。照違令例。將

該省同考官內監試官各罰俸九個月。又江南第七十七名黃士鉺。仁之背理句紕繆。應照例罰停會試一科。主考同考官均未抹出。主考官罰俸六個月。同考官罰俸一年。第九十九名張葆和。詩內丕字失黏。應照例罰停會試一科。同考官未抹出。罰俸一年。主考官業經抹出。應免議。第一百十一名馮景澄。策題第二問夾寫。應照不諳禁例。罰停會試三科。受卷官應貼不貼。罰俸一年。又江西第五十八名楊錦芬。改寫

添註塗改。又添註塗改過百字。除改寫添註塗改不議外。應照例罰停會試三科。受卷官罰俸一年。又第七十三名歐陽獻清。塗改字數復行改字。又湖北第三十五名左源。改寫字數。又福建第四十八名張賀治。改寫添註塗改數目。應照添改添註塗改字數。蹟涉可疑者。罰停會試二科。受卷官應貼不貼。罰俸一年。又湖北第十一名王柏心。硃卷策題五道。第俱訛弟。謄錄對讀官。罰俸三個月。同考官未經抹出。罰俸六個

月。又湖北第三十名駱利鋒。薦批誤用墨筆。應照例同考官及內監試官。各罰俸一年。又硃卷題目遺下字諸字。應照謄錄訛錯。謄錄對讀官。各罰俸三個月。對讀生戒飭。謄錄書手責革。第二十三名慶發。繡黻句。業經覆勘大臣聲明免議。其重寫通共添註塗改字數。例內並無專條。應比照添註塗改。漏寫一二處者。罰停會試一科。受卷官應貼不貼。罰俸一年。又福建第六十八名邱位南。同考官薦批未經揭去。應照主考



官例。同考官罰俸三個月。第七十二名李聯芬。藻覆不應擡。查不應擡而擡。例無專條。應比照應擡不擡例。罰停會試一科。又江西第五十八名林魁選。墨卷詩經題上挖補。應照挖補數字例。罰停會試一科。受卷官應貼不貼。罰俸一年。道光二十四年。奏結本年會試。應議試卷第二。十名魏源。第二場墨卷默寫頭場起講內空白十字。查係於謄寫經文後。已寫通共添註塗改數目十字。復行塗去。接寫頭場起講。似非無故。

塗字較之空白者有間應無庸議惟第三場草稿模糊辨認不清應比照草稿不全例停止

殿試一科第一百七十九名王汝舟二百二十七名張奮翼均第一場詩內添註塗改不符查王汝舟詩內係塗改一字張奮翼詩內係塗改二字詩後均註添註塗改無應援照塗改字數不符在十字以內例各停止

殿試一科受卷官應免議第九十二名張夢拯詩內添註塗改不符查張夢拯詩後註添註塗改

無詩內晨昏二字。塗改昏晨。草稿內實係昏晨。係謄真後。已寫添註塗改無。復行更正。應毋庸議。

又奏結磨勘癸卯科河南等六省硃墨卷。廣東全省試卷。均係重印薦條。應照上屆奏定章程。照違令例。將同考官內監試官。各罰俸九個月。又廣西第三十九名李獻。頭場添註塗改字數。先經旁寫。點去另寫。及添註塗改數目字。俱誤寫一二等字。應從重科斷。比照添改添註塗改。

例。罰停會試二科。受卷官應貼不貼。罰俸一年。  
第九名韋繼新。第二場硃卷。對讀點句訛錯。對  
讀官未經查出。應罰俸三個月。對讀生戒飭。

又具奏江南鄉試硃墨卷第六十九名吳良翰。  
墨卷與錄科卷筆蹟不符。當將該舉人硃墨卷  
並錄科卷封交該撫確查。有無情弊。據安徽巡  
撫咨稱。訊明吳良翰三場文策俱係自作。自書  
於錄科時。詩文策作就。因舊病復發。頭昏眼花。  
兩兼手顫。不能執筆。托同號之趙姓代謄。因病

未經問及名字籍貫。不能指出。並經面令默寫鄉試墨卷。及錄科卷詩文策。均無舛錯。覈對筆蹟。與墨卷字蹟相符。復出題面試。文理亦屬通暢。其爲並無槍替。毫無疑義。查嘉慶九年。奉

上諭。據福慶奏。查出本年貴州鄉試第十八名舉人倪兆奎。第三場墨卷。前後筆蹟互異。訊明倪兆奎。因病不能完場。托同號生員胡姓。寫完交卷。實無許給銀錢代倩等事。將倪兆奎。革去舉人。再行徹底嚴訊等語。鄉試中式舉人。若果有槍替情弊。自應嚴辦。今倪

兆奎帶病入場。五策草稿俱已作就。委因第一二道  
謄完後寒熱交作。眼花手顫。不能書寫。托同號之人  
寫完。適邀中式。現據該撫傳令默寫頭二三場詩文  
策稿。均無舛錯。又經出題面試。文理亦屬通順。而代  
謄之同號生員倪兆奎。尙不能舉出名字。是其平日  
本未熟識。非預爲僱倩可知。看來此事並無關係。竇  
倪兆奎尙可加恩留其舉人。惟試卷托人代謄。究有  
不合。著罰停會試一科。已足示儆。其代謄之同號生  
員。及外簾失察各員。均從寬免其置議等因。欽此。欽

遵在案。此案吳良翰於錄科時。詩文策作就。因病不能執筆。托人代謄。訛無僱倩。許給銀錢情事。較之倪兆奎鄉試正場。因病托人代寫。情節更輕。惟托人代謄。究屬不合。應請將吳良翰留其舉人。照不應重律杖八十。照例納贖等因。查吳良翰於錄科時。因病托人謄寫。訛無僱倩。槍替等弊。與倪兆奎之案。大畧相符。惟倪兆奎於鄉試三場策問。已寫二道。託人代謄三道。吳良翰錄科詩文。俱托人代謄。覈其情節。微有不同。

案關考試未便如該撫所擬杖八十照例納贖。可否比照倪兆奎之案。留其舉人從重罰停會試三科。抑或予以斥革之處。恭候

欽定奉

旨。吳良翰著罰停會試三科。欽此。

又奏結。磨勘順天鄉試硃墨卷第三十八名孫晉。詩內縱字行字俱夫黏。應照例罰停會試一科。第八十五名瑞明。頭場首篇內深然二字不連續方二字生。應照字句疵謬例罰停會試一



科。第二百三十六名李鶴年。頭場二篇末添註塗改夾行寫。又與三題併行書寫。查係無關弊竇。應照例免議。

又奏結磨勘山東第十一名趙錫麟。第一場擡頭塗抹。應照例罰停會試二科。受卷官未經貼出罰俸一年。第十二名王惠霖添註塗改過百字。並首篇添註塗改字數改寫。應照添註塗改過百字例。罰停會試三科。受卷官未經貼出。罰俸一年。第三十七名董毓華。頭篇塗改字數不

符並改寫通其添註塗改。改日字應照添註塗  
改並字數添改例。罰停會試二科。受卷官未經  
貼出。罰俸一年。再查山東第四十一名初景韓。  
經覆勘大臣簽出。詩內萬古拓心云句費解。查  
拓心云三字。既屬生湊。又難講解。若僅照十五  
年李錫章之案。罰停會試一科。未免過輕。應照  
十七年順天鄉試覆試考列四等劉錫彤王健  
之案。罰停會試兩科。同考主考均未抹出。同考  
官應照例降一級留任。主考官應照例罰俸九

個月。

又奏結磨勘江南等六省硃墨卷。浙江第二十  
二名邵棠第三場通共添註塗改以多報少不  
符在十字以外應照例罰停會試一科受卷官  
未經貼出罰俸一年第四十八名蔡樹芝藍筆  
浮簽未去應比照墨筆浮簽未去主考官罰俸  
三箇月例將同考官罰俸三個月江西第四十  
七名江鳴鳳頭場次藝墨卷內

廟諱未能敬避雖經缺筆究不應用仍應照例罰停會

試三科受卷官未經貼出。罰俸一年。謄錄硃卷內。係改寫元字主考同考等官。應免置議。湖南第三十六名周之楨。頭場文內詩內。均塗改數目字。應照例罰停會試二科。受卷官未經貼出。罰俸一年。

道光二十六年奏結山東等省硃墨卷。陝西第二十一名馬魁筆。頭場首藝。與順天第十五名馮岐雷同。其爲抄錄舊文無疑。應照例將陝西第二十一名馬魁筆。及順天第十五名馮岐一

併黜革主考同考均免議。

又奏結雲南通省硃卷漏寫取中字正副考官應各罰俸六個月。硃卷卷面未填名次正副考官應照遺漏舛錯例各罰俸一年。

道光二十九年奏結磨勘山東等省硃墨卷查例載同考官批語誤用墨筆者罰俸一年。係指一卷而言。今山東通省房批俱用墨筆未便僅擬以罰俸一年應援照重印薦條罰俸三個月。通省重印者罰俸九個月之例將山東同考官

內監試官各罰俸三年。又河南第二十二名高  
欽中第一二場墨卷加藍筆三處。例內並無作  
何議處專條。查例載試卷內有藍筆添改者。責  
在同考降三級調用。又科場條例內載道光十  
五年四川徐慶永硃卷同考官用筆刪截。奏准  
非添改可比。擬降二級留任在案。今河南高欽  
中墨卷加藍筆三處。查係抹出並未添改。似未  
便照添改之例辦理。惟抹出之處。究係墨卷。又  
未便照硃卷刪截之例辦理。應比照硃卷同考

官用筆刪截降二級留任。成案從重酌擬以降三級留任。

道光三十年奏結陝西第五十七名劉銳第三場漏填謄錄姓名。謄錄官罰俸三個月。謄錄書手查明責革。又江西省第三十九名胡之俊第二場禮經題謄錄多寫一字。例內並無作何議處專條。應比照謄錄脫落題字之例。謄錄官對讀官各罰俸三個月。對讀生戒飭。謄錄書手責革。主考房考俱抹出免議。又江南第六十七名

王堯棟第二場易經書經題。謄寫違式空白。謄錄官罰俸三個月。謄錄書手責革。主考房考俱抹出免議。

附載舊例

順治十五年題准。墨卷錯落題字。及文內失格。違禁後場違式。真草不全等項。受卷失察。應貼不貼者。降一級調用。不應貼而貼出者同。順治十七年議准。試藝雷同。勦襲。偶然倖中者。磨勘得實。立行黜革。又議准。同考官不許分註批語。止列職名。其同考官俱照品級敘列。如有違式不列。及署名顛倒者。責歸主考官。各降一級。康熙七年題准。卷面籍貫不明。收卷官不行詳查。駁回者。罰俸六個月。



康熙二十年題准。前場文字。有逾六百五十字者。不准謄送。如有謄送伴中者。將受卷謄錄所官。及主考同考官。照應貼不貼例。分別處分。其舉人。照不諳禁例。罰停三科。

乾隆二十一年奉

上諭

鄉試磨勘一事。前已有旨。令於下科爲始。將來詳加覆勘。自不致視爲具文。惟是三場試藝。篇幅繁多。士子風簷寸晷中。檢點偶疎。輒干指摘。其以磨勘獲咎者。轉得有所藉口。且設科立法程材。無取繁文虛設。今士子論表判策。不過雷同勦說。而閱卷者。亦止以書藝爲重。卽經文亦不甚留意。衡文取士之謂何。此甚無謂也。三場試以書藝經文。足覩素養。繼之五策。更可考其抱負之深淺。又何庸連篇累牘爲耶。嗣後鄉試。第一場止試以書文三篇。第二場經文四篇。第三場策五道。其論表判概行刪省。至會試。則旣已名列賢書。且將拔其尤者。備朝廷制作之選。淹長爾雅。斯爲通材。其第二場經文之外。加試表文一道。卽以明春會試爲始。鄉試以乾隆己卯科爲始。著爲例。

如此則士子闢中。不得復設之於日力不足。而主考亦可從容盡心詳校。無魚目混珠之混。且鄉試第二場。止經文四篇。所潦草完篇者。當在所熟。專經之士。得以抒夙學。而淺陋者。亦知所奮勉。去浮文而求實效。斯足稱國家賓興大典。可傳諭該部遵行。再向來會試。例不磨勘。未足昭慎重。亦著寬至庚辰春榜後。奏請一體派員磨勘。欽此。

乾隆二十四年奉

諭。向因磨勘一事。視為具文。是以定制特派大臣詳加校閱。但今科二場。初試律詩。若竟與制藝一體逐加校勘。各省士子。於聲韻之學。未必盡嫻。而考官處分者。亦眾。其試帖一項。此時尚可稍為寬假。酌量俟數科後。再照定例行。惟制藝為應試諸生。本分應習之事。既經入彀。自不當復有疵謬。務須秉公磨勘。以副掄才鉅典。如有疎漏。經朕指出。惟特派諸臣是問。欽此。

又題覆。順天第四名邊嚮禧。經藝內。飲君心於江海矣句。蕪鄙雜奏。非字句小疵可比。若照科

場常例。僅議罰停會試一科。不足示懲。且該生於首場次藝內。直書

至聖諱。不諳禁例。罰停會試三科。今合併議。停其會試五科。主考官雖經指出。但不應濫置前茅。應一併交部議處。

乾隆二十五年。吏部議准。嗣後每科磨勘試卷。禮部於事竣通行覈算。移咨吏部查辦。凡京堂翰詹科道各官。有能悉心檢閱。秉公逐一舉出。無遺漏者。

得派大臣勘實具奏。交與吏部議敘。准其紀錄二次。或

御覽指出。將覆勘大臣。照失於查察例。罰俸一年。其覆勘大臣。果能詳慎從事。並無遺漏者。准紀錄二次。其磨勘官遇有事故。於應勘各卷。未經過半者。雖無挂漏。亦不准其議敘。

乾隆二十七年題准。磨勘順天等省試卷。岳履泰墨卷內。塗改雙擡字樣。本生應照不諳禁例。罰停會試三科。受卷所官。應貼不貼。應交部議

處。

乾隆五十九年奉

上諭國家以四書五經試士。經書自五代鏤板以來。久鮮手鈔。士子誦讀者。多係坊本。卽考證之家。亦止憑前明監本。然監本中魚豕之外錯。字句之衍缺。不一而足。甚至儀禮一經。脫去六節。增多二節。大爲聖籍之累。我朝文治光昭。

聖

祖仁皇帝御纂四經。朕復欽定三禮。武英殿官刻十

三經。勘讐精覈。久已頒發。費序嘉惠藝林。但各書卷帙繁多。草茅寒素。艱於購覓。未必盡人能讀。近因頒刻石經。出內府所弄。天祿琳琅。宋板各經。古今流傳舊本。莫不蒼萃。命總裁各官等。詳悉校對。與武英殿官刻諸書。參稽印證。多相脗合。其較坊監本互異之處。逐條摘出。釐定成編。名爲考文提要。書不過六冊。而俗本相沿訛謬。靡不開卷瞭然。夫經學至宋儒闢發而益昌明。以漢唐留貽之書。又加宿學名儒。積年考訂。然後付諸剞劂。故其本較爲精審。士子以經文進身。平居誦讀。自當選求善本。冀得真詮。茲考文提

要一書。簡覈明備。無難家誦戶習。著仿唐石經附刻五經文字九經字樣之例。刊置經末。列樹戟門並鐫板頒行天下。俾士子人人傳觀。爭寫共窺中秘。精華不復襲別風淮雨之陋。但恐爲期過促。僻遠地方。傳布尙有未周。著於乙卯科鄉試爲始。俟三科後。考試四書五經題文。俱照刊發各條。敬謹改正。儻再有沿用坊監本。以致舛誤者。將考官及士子。分別議處。停科。並載入科場磨勘條例。庶士子咸知折衷正義。不爲俗學所惑。此旨著卽弁於考文提要簡端。以示朕稽古右文至意。欽此。

又議准。順天中式第五名姚宋才。第七名李維新。第九名嵩綸。三卷。於十卷進。

呈時。經軍機大臣奉。

旨校閱。籤出疵類。應各罰停一科。

### 附載駁案

道光十六年。議覆御史黃仲容條奏。磨勘條例。內應詳加增改一摺。查副榜一項。例有定額。有

因文字不及正榜。取中副榜者。亦有文字甚佳。可以取中正榜。或因二三場偶犯小疵。抑置副榜者。此等試卷。較之中式正榜。原有區別。若再加以磨勘。是既經抑置於前。又復被議於後。未免向隅。應仍遵現行定例辦理。

附載磨勘歲科及各項貢生考試卷條例

嘉慶十一年。覆勘大臣奏稱。磨勘各省歲科考試卷。應照鄉會試卷之例。酌減辦理。奉

上諭。朱珪等奏。覆勘各省歲科考前列試卷。分別應議免議。開單呈覽。請交禮部比較科場之例。酌量減議。分別辦理一摺。此次磨勘歲科考前列試卷。自與鄉

會試中卷有間。但應議各卷內。如直隸大名鄉學。歲考一等三名之崔應宿。保定縣學。歲考一等三名之王麟。文內於

廟諱俱未經敬避。而王麟卷內。

高宗純皇帝廟諱。次一字直行書寫。該生等身列膠庠。且近在畿輔。非遐陬僻壤可比。乃於

廟諱不知敬避。實屬粗率。該學政於此等有干磨勘之卷。斷不應拔置前列。現係立法之初。向未定有章程。著禮部將考取前列之卷。經原勘及覆勘官籤出應

議者。查明學政係屬何人。與本生俱照鄉會試之條酌減議定處分。此次卽照新例辦理。欽此。

隨經議准磨勘事例八條載後

一鄉會試卷。不諳禁例。直書

廟諱者。本生罰停三科。考官雖經指出。但所犯較重。仍將主考罰俸一年。嗣後歲科前列試卷。未知敬避

廟諱者。雖經缺筆。應比較不諳禁例。酌減爲罰停鄉試一科。發學戒飭。直書



廟諱並未缺筆者應加等罰停鄉試二科發學戒飭學政雖經圈出仍罰俸六個月今直隸大名鄉學七年歲考一等三名廩生崔應宿卷內未知敬避

廟諱雖經缺寫應罰停鄉試一科仍發學戒飭直隸保定縣學七年歲考一等三名廩生王嶙卷內直書

廟諱尤爲麤率應加等罰停鄉試二科併發學戒飭除考試順天大名等處屬原任順天學政業已身

故應毋庸議外。嗣後前列試卷有似此者。學政照例議處。

一鄉會試卷。真草篇數不全。本生照不諳禁例。罰停三科。受卷官失察。應貼不貼。罰俸一年。嗣後歲科前列試卷。詩少一聯者。比較篇數不全例。酌減爲罰停鄉試一科。廩生仍罰停廩餼一年。增附生由本案補廩。罰停廩餼一年。學政未經抹出。應罰俸六個月。今奉天錦縣學。八年科考一等六名增生張振。詩少一聯。應罰停鄉

試一科。該生本案並未補廩。應毋庸議。前任奉天府丞。未經抹出。應照例議處。

一鄉會試卷。全篇鈔錄舊文。倖中者。本生斥革。主考同考俱免議。嗣後歲科前列試卷。鈔錄舊文者。應照此例。酌減爲革。去廩增生。仍留附生。隨棚覆考。均發學嚴行戒飭。學政照例免議。今直隸阜平縣學。七年歲考一等二名廩生張御衆。書藝全寫本題。金德嘉墨卷。應革去廩生。酌留附生。仍發學戒飭。學政照例免議。

一鄉會試卷。字句疵類。於通體文義無礙。考官  
應行議處。分別已抹未抹辦理。又文內字句疵  
類。詩內平仄失黏。俱罰停一科。考官未經抹出。  
罰俸六個月。嗣後歲科前列試卷。有詩出韻失  
黏。字句欠妥者。照字句疵類例。止罰停一科。無  
可再減。應酌定三名以前。卽照本例罰停鄉試  
一科。其列四名以後。廩生罰停廩餼一年。增附  
生由本案補廩。罰停廩餼一年。學政未經抹出。  
大省每卷罰俸三個月。小省每卷罰俸兩個月。

已經抹出。免議。今江蘇豐縣學。七年歲考一等四名。增生李德照。詩平仄多誤。語亦粗率。五名廩生王平。詩失黏二處。末句出韻。廣西潯州府學。八年科考一等七名。增生吳業緒。詩欠妥。又失黏。陝西府谷縣學。八年科考一等九名。增生閻道凝。詩下半首多失黏。句亦欠妥。湖南衡州府學。七年歲考一等四名。廩生廖湘偉。詩內逢塵二字出韻。雲南新興州學。七年歲考一等七名。附生雷青雲。詩內二句失黏。三句平聲落腳。

查該生等均考列四名以後應將廩生王平廖  
湘偉各罰停廩餼一年增生李德昭吳業緒閻  
道凝附生雷青雲如由本案補廩罰停廩餼一  
年未經補廩應毋庸議各學政均經抹出應照  
例免議

中省與  
小省同

一鄉會試策不滿三百字照疵類例罰停一科  
嗣後歲科前列試卷對策失口氣應照疵類例  
酌定爲考列三名以前照本例罰停鄉試一科  
其列四名以後廩生罰停廩餼一年增生由

本案補廩罰停廩餼一年。學政未經抹出。大省  
每卷罰俸三個月。小省每卷罰俸兩個月。已經  
抹出。免議。今甘肅華亭縣學。八年科考一等四  
名附生尙維本。策通體係策問口氣。不合體式。  
詩失調二處。第三聯不對。渭源縣學。八年科考  
一等二名增生李希聖。策通體係策問口氣。詩  
通體失黏。查增生李希聖。考列三名以前。應罰  
停鄉試一科。附生尙維本。考列四名以後。如由  
本案補廩。罰停廩餼一年。未經補廩。應毋庸議。

學政已經抹出。照例免議。

一學政全書內載發案日。提調官領出文案。校對彌封坐號簿。拆封填名。有錯誤貼補。如何議處。未有明文。嗣後卷面有貼補姓名。提調官卽行蓋印爲記。遺漏者。照疎忽例。罰俸三個月。今直隸安肅縣學。八年科考一等二名廩生趙東亭。卷面貼補姓名。甘肅華亭縣學。八年科考一等四名附生尙維本。卷面貼補姓名。均應議提調。但現在未經定例之先。應毋庸議。嗣後有似



此者照例議處。

一歲科考試卷及各頁卷均責成本學教官於接扣處鈐印。申送提調。儻有遺漏。卽由提調補印。申送學政。將教官咨部議處。如提調未經察出。卽由學政補印。將提調教官一併咨部議處。如學政未經察出補印。將學政提調教官一併議處。教官漏印一卷。罰俸六個月。二卷罰俸一年。三卷以上罰俸二年。如前列試卷全漏者。降一級留任。提調失察漏印一卷者。罰俸三個月。

二卷罰俸六個月。三卷以上罰俸九個月。十卷罰俸一年。如失察漏印至十卷以上罰俸二年。學政失察漏印一卷者罰俸一個月。二卷罰俸二個月。三卷以上罰俸六個月。十卷罰俸九個月。如失察漏印至十卷以上罰俸一年。雖係公罪均不准其抵銷。

一、貢卷按扣處。該州縣漏印。應照教官漏印例議處。其申送之府州。雖未充提調。亦照提調失察例議處。

一應議各卷除應行斥革廢增分別辦理外。其應罰科各生如本科業經鄉試。卽罰停下科鄉試。

一歲科考前列試卷爲數繁多。解部磨勘。有時日嗣後歲科考分作兩次磨勘。每歲考磨勘完竣。卽請

欽派大臣覆勘其科考各卷。卽交歲考覆勘大臣辦理。其恩優歲貢卷到部如在歲試卷以前。卽歸歲試卷內。一體磨勘覆勘。如在科試卷以前。卽歸科試卷內。一體磨勘覆勘。

一選拔生試卷解部磨勘完竣後奏請

欽派大臣覆勘

嘉慶十二年題准十年分歲考生員前列試卷  
山東博興縣附生耿顯宗文過七百字詩多未  
妥山西沁源縣附生郭錫田詩出韻欠妥保德  
州附生蘇山詩出句平聲落腳通首欠妥末聯  
失黏河南洧川縣廩生劉寅詩不成語浙江江  
山縣附生毛維新詩末聯失黏陝西膚施縣附  
生張也愚詩謬第四聯複韻第五聯出韻延州

增生馮繼京詩全不諧出句平聲落腳三處湖北建始縣附生于士誥詩麤俗費解甘肅合水縣廩生朱正色經文後比費解詩不諧各該生內惟朱正色考列三名以前應照字句疵類例罰停鄉試一科至耿顯宗等八名均各考列四名以後如由本案補廩應照例罰停廩餼一年未經補廩應毋庸議除該學政抹出各卷不議外惟耿顯宗一卷學政未經抹出係中省應照例罰俸兩個月劉寅一卷原任學政亦未經抹

出業已身故。應毋庸議。山西武鄉縣附生胡士  
淳。詩多一韻。應照科場不諳禁例。酌減爲罰。  
停鄉試一科。由本案補廩者。仍罰停廩餼一年。  
未經補廩。應毋庸議。學政已經批出。亦毋庸議。  
甘肅寧朔縣增生魏世臣。經文不滿二百字。詩  
有脫字。平仄多誤。應比照科場對策不滿三百  
字例。考列三名以前者。罰停一科。該生係考列  
四名以後。如由本案補廩。應照例罰停廩餼一  
年。未經補廩。應毋庸議。學政於經文內未經批

出係中省應照例罰俸兩個月。浙江武義縣附生徐松茂詩題限韻字樣。謄寫雙行。永康縣增生李光遠詩題限韻字樣。謄寫顛倒。應比照科場試卷空白例。考列三名以前者。罰停一科。該生等係考列四名以後。如由本案補廩。應照例罰停廩餼一年。未經補廩。應毋庸議。學政均經抹出。亦毋庸議。直隸保定縣廩生柴其濬。卷面貼補姓名。遺漏蓋印。山西洪洞縣附生王位安。試卷中幅黏印顛倒。應將各該提調官查取職

名均照疎忽例各罰俸三個月

嘉慶十三年題准十一年分科考生員前列試  
卷雲南賓川州附生李文泮詩失黏欠安第七  
聯出韻結句應擡不擡策草稿曳白湖南永順  
縣附生王士齡策問二字書寫違式詩首末兩  
聯出句平聲落腳平仄多不調叶又詩低三格  
寫策與詩俱無草稿應照違式例酌減爲罰停  
鄉試一科如由本案補廩者仍罰停廩餼一年  
李文泮一卷該學政已經抹出毋庸議外王士



齡一卷學政未經抹出應照受卷官應貼不貼  
例酌減爲罰俸六個月廣東翁源縣廩生李光  
廷題目內落去有字廣西陽朔縣附生張學易  
漏寫詩題旁註小字應照科場不諳禁例例酌  
減爲罰停鄉試一科廩生及增附生由本案補  
廩者仍罰停廩餼一年李光廷張學易二卷該  
學政已經抹出應毋庸議四川成都縣增生彭  
壽南全卷有總批無圈點學政應比照科場試  
卷主考官未經點到例酌減爲罰俸一年

嘉慶十五年。劄覆雲南學政賓川州廩生李文  
泮。因磨勘科試卷。罰停鄉試一科。今本年鄉試。  
該生係在丁憂期內。應俟服闋後。補行罰停鄉  
試一科。

嘉慶十六年題准。十四年分科考生員前列試  
卷。四川安岳縣增生陶鴻甄。廩生周顯志。詩句  
雷同。應照勦襲雷同例。減爲各罰停鄉試一科。  
前任四川學政。未經批出。應照鄉會試主考官  
例。減爲罰俸六個月。甘肅崇信縣增生劉寵策。

多謬誤。擡寫處多一字。詩後半失黏。應照擡寫不合例。罰停鄉試一科。該學政業經圈出。應毋庸議。再前任廣西學政沈學厚。送到科考前列試卷內。有梧州府學四本。霉爛蟲蛀。應照科場染污損裂試卷例。減爲罰俸三個月。

嘉慶十八年題准。十六年分歲考生員前列試卷。浙江泰順縣廩生歐聖書。默經低二格寫。應比照墨卷空白例。酌減爲罰停廩餼一年。學政未經抹出。亦應比照受卷官失察例。酌減爲罰。

俸六個月。又卷面遺漏總批。應比照房考遺漏批語例酌減爲罰俸三個月。廣東和平縣廩生徐著曾經題鼎及肅及字誤寫乃字。海陽縣附生林枝榮四書題瀾濟潔而注諸海。諸字誤寫之字。應照例酌減爲罰停鄉試一科。徐著曾係廩生。仍罰停廩餼一年。林枝榮如由本案補廩亦罰停廩餼一年。

嘉慶二十二年題結磨勘各省科考前列試卷浙江增生朱以泰詩內巖字出韻。又廩生曹宗

載詩內巖字出韻。又廩生沈鎮詩內巖字出韻。  
湖南廩生曾超。文內小夫小婦語欠妥。河南廩  
生王霞燦。詩少一聯。山西附生原方益。詩有疵  
句。又增生臧日藻。詩多失黏。陝西廩生楊漢。卷  
式與他卷式樣不符。甘肅廩生張悟。卷面姓名  
貼補。未經蓋印。四川增生王樹棠。詩失黏。又增  
生高吉拱。策內聚訟。誤寫聚公。又詩內失黏。又  
廩生彭聲揚。詩失黏。又增生劉日新。詩失黏。查  
各該生內。廩生王霞燦。增生王樹棠。增生高吉

拱廩生彭聲揚。增生劉日新。以上五卷均考列  
三名以前。王霞琛應比照篇數不全例酌減罰  
停鄉試一科。王樹棠高吉拱彭聲揚劉日新。應  
比照字句疵類例各罰停鄉試一科。增生朱以  
泰廩生曹宗載廩生沈鑽廩生曾超附生原方  
益增生臧日藻以上六卷俱考列四名以後係  
廩生及由本案補廩者應照例罰停廩餼一年。  
若未補廩應毋庸議。以上十一卷除該學政業  
經抹出者不議外。朱以泰曹宗載沈鑽三卷前

任浙江學政汪廷珍未經抹出。應照大省例。每卷各罰俸三個月。曾超一卷。前任湖南學政劉彬士未經抹出。應照中省小省例。罰俸兩個月。高吉拱一卷。前任四川學政毛謨未經抹出。應照中省小省例。罰俸兩個月。陝西廩生楊漢。試卷式樣與他卷不符。應比照錯印卷號例。將辦卷官罰俸三個月。甘肅廩生張悟。卷面姓名貼補。未經蓋印。應將該提調。照例罰俸三個月。以上應罰科各生。如有鄉試中式者。仍罰停會試。

一科未經中式。卽罰停下科鄉試。

嘉慶二十五年題結磨勘科考前列試卷。安徽  
附生李汝琦鄧崇棠策內執事二字不應擡而  
擡。又廩生王永源文內儼與義合下脫一句廣  
東附生符御邦策內字句疵類。詩內聽字語疵。  
又增生陳步高詩內晒字杜撰。甘肅廩生楊元  
津四書題內利字誤寫因字。策內有脫字脫句。  
以上六卷俱列四名以後。係廩生及由本案補  
廩者。均照例罰停廩餼一年。未補廩者免議。廣



西廩生張大年誠意誤作賊義。又廩生吳尙寬文內安土能敦敦誤作登甘肅廩生李挺洛文內引詩伐檀誤作伐木。以上三卷俱列三名以前均照字句疵類例。罰停鄉試一科。其餘各官照例議處。

道光三年題結磨勘科考前列試卷直隸廩生張學瀛詩多一韻該生應照不諳禁例例罰停鄉試一科。係廩生仍罰停廩餼一年。附生王正養擡頭錯誤該生考列三名以前應照例罰停

鄉試一科。附生魏廷舉策內全頁高二格寫。該生應照違式例。罰停鄉試一科。如由本案補廩。仍罰停廩餼一年。福建廩生林大元。附生傅嘉猷。附生劉獻廷。附生黃雲。附生楊邦光等五名。俱有真無草。該生等應比照不諳禁例。罰停鄉試一科。廩生仍罰停廩餼一年。附生如有本案補廩者。罰停廩餼一年。學政照例議處。

道光五年。劄知直省學政。查學政全書內載。歲科兩試兼作五言六韻排律一首各等語。本年

磨勘各省歲考試卷。湖北河南廣東雲南貴州等五省試卷內。詩題係五言八韻。數與定例不符。當經劄行各該學政。嗣後歲試詩題。查照定例辦理在案。現在各省陸續解送科試卷到部。排律詩亦間有限用八韻者。相應申明定例。通行各省學政。嗣後歲科試詩題。務須查照定例辦理。

道光六年。題結磨勘科考前列試卷。安徽蒙城縣學廩生李芝宇。詩內失黏。該生考列四名。以

後照例罰停廩餼一年。湖南湘潭縣學黎光曙。卷面空補姓名。遺漏蓋印。應將該提調官查取職名。照例罰俸三個月。陝西乾州學廩生張敷策。問內引用錯誤。該生考列四名以後。應照例罰停廩餼一年。甘肅環縣學增生李世臣。詩內失黏。該生係增生。考列四名以後。如由本案補廩。照例罰停廩餼一年。未經補廩。應毋庸議。江蘇通州學王翊清。經覆勘大臣。看得文內家國訛寫恭默。

聖諭廣訓遺漏二字均係筆誤應毋庸議各該學政照例分別議處。

道光八年題結磨勘歲考前列試卷福建南靖縣學附生陳復初經文內大圭不琢句犯下又將樂縣學附生陳錦標經文內深字犯下又落  
下樂誤禮該生等俱考列四名以後如由本案補廩應罰停廩餼一年未經補廩免議學政均已抹出應毋庸議湖南醴陵縣學附生黃安楷經題簾訛簾經文內明法飭罰引經錯誤詩題

瓊訛瓊廣東臨高縣學增生符國元詩題錫訛  
錫又附生王運興草稿內首藝未寫全題詩題  
下漏寫旁註字樣甘肅鞏昌府學附生張鑑詩  
內第四句澄字出韻該生等俱考列四名以後  
如由本案補廩應罰停廩餼一年未經補廩免  
議學政均未抹出應照中省例每卷罰俸兩箇  
月。

道光九年題結磨勘各省科考試卷廣西思恩  
府學附生譚大英未默

聖諭廣訓應降爲二等。如由本案補廩。查明照例辦理。學政未經看出。應比照應貼不貼罰俸一年例。係科考試卷。酌減爲罰俸半年。

道光十一年題結磨勘各省歲考前列試卷。湖南永州府屬生員羅正春。葉元璦。蔣元甲。柴向時。試卷卷面漏填縣分。該學政提調官及該學教官均未察出。係屬疎忽。惟通學漏填縣分。未便僅照遺漏一卷者議處。應請照違令例。將該學政提調官及該學教官各罰俸九個月。

道光十二年題結磨勘各省科考前列試卷。江西樂安縣學增生曾之瑜。詩內遠水共長天句。學政誤批失黏。應行議處之處。例無明文。應比照同考官遺漏批語。中式後誤用墨筆補批例。罰俸三個月。

道光十四年題結十二年分歲考卷。山東恩縣學一等第二名劉玉藻。詩題六訛八。草稿不全。應罰停鄉試一科。係廩生仍罰停廩餼一年。如本科業經鄉試。卽罰停下科鄉試。學政未批出。



應罰俸六個月。湖北荊州府學一等第八名劉鑑。詩題漏寫賦得。結句應擡不擡。應罰停鄉試一科。係廩生仍罰停廩餼一年。如本科業經鄉試。卽罰停下科鄉試。學政未抹出。應罰俸六個月。

道光十六年。議覆御史黃仲容條奏。增改磨勘條例一摺。議得拔貢卷。解送到部。由部會同禮科磨勘。籤出應議者。請

欽派大臣覆勘。其恩貢優貢歲貢試卷到部。日期先後

不齊。自應酌定章程。以歸簡易。如在歲試卷以前送部者。卽歸入歲試卷一體磨勘覆勘。在科試卷以前送部者。卽歸入科試卷一體磨勘覆勘。

道光十七年。題結十五年分歲考卷。福建興化府一等第一名林光璧。草稿接縫漏印。及倒用號戳。應將經管各官。照疎忽例。罰俸三個月。

道光十八年。題結磨勘各省十六年分科考應議前列試卷。及各貢卷。浙江鎮海縣學一等前

列十名。王引孫等十卷。接扣處均漏印。未便照遺漏一卷者議處。應將經管官照違令例。罰俸九個月。又廣東大埔縣一等第五名。蘭鳳池詩。內喧字出韻。又廣西桂林府學一等第九名。唐肇勲詩。內晴字複韻。該生均考列四名以後。係廩生。均罰停廩餼一年。學政均未抹出。廣東廣西均應照小省例。各罰俸兩個月。又貴州普定縣學恩貢劉燦章。錦屏鄉學應貢廩生徐顯謨。卷內俱無草稿紙。辦卷官應照例。罰俸三個月。

又奏結丁酉科磨勘各省拔貢應議試卷。江西  
選拔生會考卷內多詩一首。查例內並無多出  
詩題作何議處。明文應請照違令例。將該省會  
考之巡撫學政均罰俸九個月。福建政和縣學  
選拔生吳克光。陝西寶雞縣學選拔生容恬。廣  
西全州學選拔生陳之頤。試卷接扣處漏未蓋  
印。該管官應照例各罰俸三個月。雲南嵩明州  
學選拔生李曉。馬龍州學選拔生田福安。詩文  
內謄真筆誤。該學政未經抹出。應照例每卷罰

俸兩個月至該省會考卷內多詩一首雖據該學政聲稱以滇土不諳聲律加試五言八韻詩一首究屬與例不符應將該省會考之督撫學政仍照違令例各罰俸九個月。

又准雲南巡撫咨前准禮部咨丁酉科該省會考選拔生試卷內多詩一首應將會考之督撫學政均罰俸九個月。茲據雲南學政移稱會考選拔生員試卷內多詩一首係照上兩屆辦理自應一律免議嗣經咨覆查學政全書內載會

考選拔生員。應用四書文經策各一篇。並無試詩之例。該督撫學政等。自當遵照定例辦理。不得援据舊案爲詞。今丁酉科雲南省會考卷內。違例加試一詩。經覆勘大臣。勘出。應議交部照例辦理。隨經奏明。將會考之督撫學政。照違令例。罰俸九個月。該撫所請。援案免議之處。碍難覈准。應咨覆該撫。卽將會考應議各職名。開送。到部。以便轉行吏部辦理。

道光二十年奉

旨。湯金釗等奏覆勘上年各省歲考前列試卷。其中漏印應議者。至一百三十餘卷之多。似此相沿成習。易滋流弊。此後應如何安立章程。明定處分之處。著禮部議奏。餘依議。欽此。嗣經議奏。嗣後歲科考試卷及各貢卷。均責成本學教官。於接扣處鈐印申送。提調儻有遺漏。卽由提調補印申送學政。將教官咨部議處。如提調未經察出。卽由學政補印。將提調教官一併咨部議處。如學政未經察出。補印。經部磨勘。將學政提調教官一併議處。惟

查學政提調教官。經手試卷。多少懸殊。其處分  
自應分別酌定。應請嗣後教官漏印一卷。罰俸  
六個月。二卷。罰俸一年。三卷以上。罰俸二年。如  
前列試卷全漏者。降一級留任。提調失察漏印  
一卷者。罰俸三個月。二卷。罰俸六個月。三卷以  
上。罰俸九個月。十卷。罰俸一年。如失察至十卷  
以上。罰俸二年。學政失察漏印一卷者。罰俸一  
個月。二卷。罰俸兩個月。三卷以上。罰俸六個月。  
十卷。罰俸九個月。如失察漏印至十卷以上。罰



俸一年雖係公罪均不准其抵銷如此遞專責成各予處分。則教官不敢玩忽於前。提調學政不敢疎失於後。庶關防嚴密而積弊可清。奉

旨依議。欽此。

道光二十三年。奏結磨勘各省歲考。應議各卷。順天府山縣一等第一名廩生王廷枚。起比以下六比抄錄。方槩如兩句題文。並非全題。亦非全篇抄錄。應照勦襲雷同之例。將廩生王廷枚。罰停鄉試一科。學政免議。

道光二十五年。咨覆廣西學政。據柳州府申送。象州學歲貢潘坦。鬱林直隸州申送北流縣學貢生梁潤蘭。興業縣學貢生周官等。各卷內接扣處。均漏鈐該州縣印。及學記。所有失察漏印之提調。並漏印之教官。自應照例議處。惟州縣學出貢各生。係由該州縣鈐印。詳請該管府州轉行申送。府州職司提調。如失察漏印。自有應得處分。至於州縣漏印。是否亦應議處。咨部覈議。除教官及職司提調之府州。應照例議處外。

至漏印之州縣與教官事同一律。應比照教官漏印例議處。其申送之府州。如未充提調。亦應比照提調失察例議處。

道光三十年。奏結磨勘。已酉科各直省選拔生。應議試卷。直隸選拔生王承憲。詩內空白半行。檢查則例條例。並無選拔生議罰專條。自應比照鄉會試試卷空白罰科例。將該生酌罰鄉試一科。若經受職。京官於分部後。外官於補缺日。罰俸一年。學政未經抹出。應照試卷內空白。主

考官未經抹出。罰俸三個月。例罰俸三個月。

附載駁案

道光三十年。議覆內閣學士載齡奏選拔生試卷。應屆辦理均未盡一。請飭議章程一摺。查原奏內稱選拔生

朝考。擬取引

見後。卽以京外官分別錄用。有無科可罰者。如有應議之卷。何以示懲。選拔生爲掄才大典。豈容參差不齊。請妥議章程等語。查選拔生試卷。磨勘始於道光十六年以後。迄今甫及一屆。並無議罰專條。是以於此次奏結磨勘摺內聲明。將空白違式之選拔生王承憲。照鄉會試罰停一科之例。罰停鄉試一科。若經受職。京官於分部後。外官於補缺日。罰俸一年。等因。奏准遵行在案。